

Polko Sokome Nakayáñoní Topé Taitus ñuno Uró ñu

Mande Kembé

Komo suki uni kato sokome ña **Grik** mandewore nakayáñaró, ko eneño owi nekaró, “Pol,” yaró. Uni ñuko **asáñowí uni** Pol nançe. (*Taitus 1:1* weyo qembe.) Taitus ñuko Pol koro kho kopo ka, quko da noñgo maheró nore kama ñoyoteto. Naru qambuko ñuno Polko asáñoní uni meyowo rukiso yerewero uyareyaró. (*2 Korin 2, 7, 8, 15* weyo qembe) Itaka iño-iño uni kumimbo ñande ye ñoyotetngo, ko Polko **Rom** ñuno kusi-kusi yano yora, ko kumima naru 62AD ñuno peka re rotoyi tojeró, peka. (Asa “62AD” murí muko ñandiro, ko Yesu nimí pisiyaró, yate kumima naru 62 ñunde rotaró. Nore kumima naru 2,000 ñunde rotoro yate itaka yoteto.)

Asa re rotoyi Polko Timoti koya Taitus koya tojero Spen mira andusina ñuno uyareñgurí. Ñuno uyaro kho tero 63AD ñuno pitu ko Masedonia mirako, Esia mirako, Kiriti noko mosowímo ñuno uyarero kho taró, peka. Kiriti noko mosowímo ñuno **miti mande** yimitoro yesowoní **Anutu koro huru-huru** ka tunoqaró. Kho ñunde tiní kini tiníño, Taitus ñuno re rotoro (*Taitus 1:5* weyo qembe) Efesus yendémo ñuno uyareró. Yate yendé meyowo ka, owi Nikopolis ñuno uyarewero taró. Quko khe puñomo, Filipai yendémo peka, sokome ña nakayáñoro riní Taitusko uyaró.

1 ¹No Pol, no Anutu koro sunará simó ko Yesu Kristo^a koro asáñowí uni^b yoteno. Ñunde asá niriní nondo Anutuko unipare rokó yereró quro ñondutuye rewe kondéreweya, ko iño-iño hamó mu yunowe Anutu koro murí howewañgo. ²Ñondutu ñuya iño-iño hamó ñuro murí muko ñandiro, Anutu koro unipare ñundo yoto-yoto suki-suki rewañgo. Anutuko mande kota kama yeyote, ko komo suki horé enendo yoto-yoto

^a **1:1** “Yesu *Kristo*” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yañgurí. Juda unipareto uni maheweya ñu, “Kristo,” ma, “*Mesaiya*,” ye nekañgurí. Asa Yesu mahini eneño unipareyó, “Kristo Yesu,” ma, “Yesu Kristo,” nançe ye nekañgurí. ^b **1:1** “*asáñowí uni*” ñuko Yesuko rokóñoro asáñoní eneño khoyó taró.

suki-suki yunowero quro mande ka kusiyaró. ³Ŋunde kusiyoro Anutu, Rambaruru Koŋgo Norewero Uninanimbo itakako, naru metémo ŋundiro, mande ŋuro iŋo-iŋo qu nunoní tunomo yesowanowó.

⁴Taitus, nondo sokome ŋa nakayáŋoro ke kunoteno. Nore irisa iŋondutu ŋunde naŋge teyotero, ŋundiro naŋge keko neneŋo simóne hamó.

Meté Anutu Awandoya Kristo Yesu, Rambaruru Koŋgo Norewero Uninanimboya samaka-samaka tuwó kunoro newonde ime kunowari.

Taitusko Kiriti noko mosowímo kho ka teweya

⁵No Kiriti noko mosowímo ŋuno korotanowó ŋuro murí muko ŋandiro, ko keto kho yote ŋu meté tero mandene howero yendéne-yendéne huru-huru koro tapá uni rokó yereweya. ⁶Tapá uni ŋande qu rokó yiri qembe, asa uni ka unipare toŋeyemo potó moré kini, ko parí kanata naŋge taró. Ko nambo-simóŋo soso Yesu iŋondutuwo se simbururu ŋuya mira windu-windu ŋuya kama teyotengó. ⁷Dokoro Anutu koro unipareyómboro tapá uni ŋundoko Anutu koro kho qu sopoyote. Ŋunde ŋuroko unipare toŋeyemo potó moré kini yoní. Eneŋo iŋo-iŋoyó naŋge kama howeyote, saŋgírí waka ta kama teyote, wain nero kape-kape kama teyote, wimbo-wimbo kama yutoyote, ko wondo situwi siyowero quro kama iŋoyote. ⁸Kini, tapá uni ŋunde qundo uni khe koŋgo mahewaŋgo ŋu newonde yunoro topo meté te yunoyote. Otete meté quya iŋo-iŋo meté quya naŋge howeyote. Otete roneneŋowí^c horé howero Anutu koro oteteyó ŋu soso ta howeyote. Enendo eneŋo kowí saŋaní kondé sopo towoyote. ⁹Tapá unindo Anutu koro mande hamó mu iŋoro kondé sopo towoyoweya. Ŋunde naŋge enepa naŋge unipare mande rondaqe yunoní newondeye kondé tiní yowaŋgo. Ko mande meté ka yero mande wenda-wenda uni yimitoro mandeye takaweya.

¹⁰Dokoro uni qambu qundo mira windu-windu naŋge tero wuruwara uni tero uniparetoro iŋondutuye kanáŋoyotengó. Asa uni eneŋo koweye toŋaŋgurí qu^d kumimbo hamó ŋunde teyotengó. ¹¹Uni ŋunde quko wondo situwi siyowero koro naŋge iŋoro iŋo-iŋo piyimi mu unipare yunoyotengó. Ŋunde ti suwisawi kumi piyo teyotengó. Ŋunde ŋuro ke uni ŋunde qu maŋgoye kusiyo qembe. ¹²Komo Kiriti uniparetoro ye-ye uni kato ŋande yaró, “Kiriti uni ŋuko kota mande yeyotengó uni naŋge. Ene á sawa ŋunde qembe.

^c 1:8 “otete roneneŋowí” ŋuko Anutuko nore rokó yiriní noreŋo murínani eneŋo murí howeyote. ^d 1:10 “koweye toŋaŋgurí qu” - ŋuko Juda uni naŋge. Komo suki Anutuko Abraham, Juda unindoro pukoye ŋu, ŋande miraró, ko enendo rokó ka tero eneŋo naŋo-simó soso koweye toŋoweya. Ŋunde tero, yate-yate Juda uni soso koweye toŋaŋgurí.

Ene o parámi nero kho tewero ηuro piyimiηoyotengo.”¹³ Asa mande ηuko hamó. ηunde ηuro ke mande kondé yimitoka okeyá ta iηondutu tero¹⁴ Juda unindoro sowo mande kina-kina ηuro kusumbo kama rero uni mande hamó mu rotoyotengo quro mande kondéye kama howewango. ¹⁵Uni sara-sara qundo o soso qenero ηande rondaneyotengo, ηuko sara-sara nanqe. Quko uni newondeye piyo teyote quya uni iηondutuye moré kini qundo o soso qenero ηande rondaneyotengo, oka sara-sara kama yote. Hamó, eneηo iηo-iηoyemboya otete sopowero quro iηo-iηoyemboya irisa-irisa piyo teyotiri. ¹⁶Manqoto ηande yeyotengo, “No Anutu iηo inoyoteno,” quko newondeyemo Anutu huwóηoyotengo. ηunde qene iηoyoteto, dokoro oteteyembo newondeye witú nereyote. Uni ηuko piyimi nanqe, mande wenda-wenda nanqe teyotengo ko o meté mu tewero mepémo kini.

Unipare koηgomu ηundo Anutu koro murí howewango

2 ¹Keto mande roneneηowí nanqe rondaqe yunoyoto qembe. ²Meté uni koηgomu ηundo wimbo-wimbo kama tewango, iηo-iηo meté mu nanqe howero koweye ηu sopowango. Ene iηondutu roneneηowí mu, newonde yunowero otete roneneηowí,^e quhurímo kondé kaηewero otete roneneηowí nanqe tewango.

³ηundiro nanqe pare koηgomu ηundo Anutu koro pare ηunde qembe yotoro otete meté mu sopoyowango. Ene kama yesará yerewango, ko wain parámi kama newango. Otete meté nanqe tero mande meté mu nanqe rondaqe yunowango. ⁴ηunde tiqo, pare keta quko otete meté mu howero kame-simóyembo hamó horé iηoro ⁵koweye soporo otete sara-sara qu howero yaye soporo kameye kusunoye quroko yorowango. ηunde tero unindo Anutu koro mandí ηu kama yesaráηowango.

Simó keta qundo otete meté ηu howewango

⁶ηunde nanqe meté simó keta qundo koweye ηu meté sopowango. ηunde yimito qembe. ⁷Otete meté mu keto teyote ηuko keηombo kapo-kapo ηunde qembe yuri oteteke meté mu qenero howewango. Ke uni mande rondaqe yunoroqo, iηo-iηo piyimimboya ma womowero. Mande wimbo-wimbo ma yewero. ⁸Ke mande roneneηowí nanqe yiqo, unindo quhurí ka ηuno seqa kama qenewango. ηunde ti uni sanqirí kumimbo kowi piyo tero noreya mande piyimi kama yewango.

^e 2:2 “otete roneneηowí” ηuko Anutuko nore rokó yiriní noreηo murínani eneηo murí howeyote.

Kho simó ñundo uni parámiyembo mandeye howewaŋgo

⁹Kho simó^f ñande yimito qembe. O soso ñuro eneño uni parámiyembo kusunoye quroko yuri khoye ñuro metéñowaŋgo. Eneya kiro mande piyimi ma yewero. ¹⁰O sombé kumi momo ma tewero. Kini, mandí soso okeyá ta howero owé meté rewaŋgo. Ñunde tero uni parámiye ñundo oteteye soso ñu qenero Anutu, Rambaruru Koŋgo Norewero Uninanimbo mande qu iñangurí ñuro niñgu-niñgu tewaŋgo.

¹¹Dokoro, komo Anutu koro samaka-samaka tuwó^g ñu tunomo tunoqaró. Samaka-samaka ñuko unipare soso rambaruru koŋgo yoreyote. ¹²Ñundo iño-iño nunoní norendo otete piyimi mu rotoro o noko koro quro kama iñoyoteto. Noko ñano yoroteto, quko itaka samaka-samaka ñundo iño-iño nunoní kowenani soporo Anutu koro murí howero potoruku hamó te inoyoteto. ¹³Ñunde tero nore Yesu Kristo,^h noreño Anutunani hamó ñu, Rambaruru Koŋgo Norewero Uninani ñu sopoyoteto. Pitu ko sine parámimo maheweya, yero hamó sopoyoteto. Mahiníqo, meté horé yowato. ¹⁴Quhurínani kimo teweroⁱ eneñombo re rotaró. Dokoro, neneño uniparene horé yorewano, ye iñaró. Ñunde iñoro nore norero otete piyimi mu se rotoro roŋgaru yiriní sara tunoqero otete meté nañge tewero kondé iñoyowato.

¹⁵Asa, ke naru rokóño mande ña rondaqe yunoyoto qembe. Newondaye rukisoyoro otete piyimi mu tewero kondé soré yere qembe. Unindo kiyoro ke kina uni ka, yero iñowaŋgo koro.

Otete meté ñu nañge ti qembe

3 ¹Ke unipare iño-iñoye okokowoyi wiri yerete uni kusunoyemo yotoro mañgoye howero, kho meté-meté tewero ñuro sopoyowaŋgo. ²Ene uni ka kama yesaráñoro kiro mande kama yero mande meté nañge yewaŋgo. Naru rokóño otete imemo nañge unipare soso o meté te yunowaŋgo.

^f 2:9 “kho simó” - ñu naruko ñuno unipare qambu kho simó, kho pare tunoqangurí. Naru kano wini irisa kuma tero kako taka yerero kusi yiriní kho simó tunoqangurí. Naru kano uni kato utatá parámi tero topé tewero mepémo kini, eneño soweyoro kho simó tunoqangurí. Asa kho simó ñunde quko uni parámiyómboro kho qu teyara, eneñomboro o ka tewero mepémo kini. ^g 2:11 “samaka-samaka tuwó” ñuko Anutu eneñombo nore samaka yereyote. Kimoyó moré kini. ^h 2:13 “Yesu Kristo” - komo suki ye-ye unindo Anutuko uni ka rokóñoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ñu, “Kristo,” ma, “Mesaiya,” ye nekaŋgurí. Asa Yesu mahiní eneño unipareyó, “Kristo Yesu,” ma, “Yesu Kristo,” nañge ye nekaŋgurí. ⁱ 2:14 “kimo tewero” ñuro murí muko ñandiro: norendo o piyimi kusunoyómo kusiyowí yoteto. Ñundiro nañge Anutuko kimo tero yoriní kina yowato.

³Dokoro komoko nore ηuya iηo-iηonani moré kini tero mande wendaqato Monimbuko kaná yirini nore kape-kape teyato. Iηunde tero iηo-iηo kate-kate qundo kusi nereyara. Iηu naruko ηuno o piyimi topo-toponanimboya te yunowero ηuro iηoyato, ko newonde tutu teyato. Uni sosopo noreya saηgirí teyaηgo ko nore ηuya eneya saηgirí teyato. ⁴Quko Anutuko, Rambaruru Koηgo Norewero Uninanimbo noreηo hamó horé iηoro, newonde nunoro, o meté te nunaró. ⁵Norendo koretero otete roneneηowí^j kama tatowó. Kini, enendo kinaje sikínani te nunoro rambaruru koηgo noraró. Norero sono nirini oηa qembe pitu ko tunoqato Yuqa Surumímbo yoto-yotonani rini keta tunoqaró. ⁶Yesu Kristoko,^k Rambaruru Koηgo Norewero Uninanimbo kho tini Anutuko Yuqa ηuro wimbí parámi horé hausuwoní noreno umburó. ⁷Iηuro tero samaka-samaka tuwó^l ηundo nore norini eneηo toηímo roneneηowí tunoqewato.^m Asa ko Anutu koro simó hamó tunoqero ηande iηoyoteto, imemoηgo yoto-yoto suki-suki hamó rewato. ⁸Mande ηuko hamó, ko keto ηuro kondé yesowoweya ye iηoteno. Iηunde ti unindo Anutu iηondutuwoyaηgurí qundo otete roneneηowímo kaηewaηgo. Kho ηuko meté horé ko ηundo uni samaka yereyote.

⁹Quko ke mande piyimi enesó-enesómboya usisambatoro owéyemboro sowo mande koya hutuηo mande ηuroⁿ kiro mande ηuya soso taka qembe. Mande ηunde qundo nore samaka nerewero mepémo kini. ¹⁰Uni kato Anutu koro unipare keweroko usowo yerewaηgo tiniqo, naru kanatape ma naru irisa roηgaruwo qembe. Quko enendo kama rotoweya tiniqo, huwóηo qembe. ¹¹Ke iηote, uni ηunde quko iηondutuyó koroqe tiniqo, o piyimi naηge teyote. Eneηo newondímbo topé piyimi ka inoyote.

Mande weηa qu

¹²Imemoηgo nondo Aritemasipe ma Tikikus yorewe keno uyareweya quno ke waka ta nono Nikopolis yendémo ηuno mahe qembe. Dokoro ηuno kutiti naru qurowore ηuno yowano. ¹³Ke hutuηo mande ηuro iηo-iηo uni owí Sinos koya Apolos koya samaka yereka ooro kheko tukuni kama tewari. ¹⁴Noreηo uniparenanimbo otete meté tewero quro kondé iηoyi. Iηunde tero topo-topoye samaka yerero yoto-yotoyembo ηu eηgé teweya.

^j **3:5** “*otete roneneηowí*” ηuko Anutuko nore rokó yirini noreηo murinani eneηo murí howeyote. ^k **3:6** “*Yesu Kristo*” - komo suki *ye-ye unindo* Anutuko uni ka rokóηoní mahero wiri yerete uni parámi horé tunoqeweya qu karo yaηgurí. Juda unipareto uni maheweya ηu, “Kristo,” ma, “*Mesaiya*,” ye nekaηgurí. Asa Yesu mahini eneηo unipareyó, “Kristo Yesu,” ma, “Yesu Kristo,” naηge ye nekaηgurí. ^l **3:7** “*samaka-samaka tuwó*” ηuko Anutu eneηombo nore samaka yereyote. Kimoyó moré kini. ^m **3:7** “*roneneηowí tunoqete*” ηuro murí muko ηandiro: asa Anutuko uni ka, pare ka yiyoro potó moré kini tini eneηo unipare qu ka tunoqeteηgo. ⁿ **3:9** “*hutuηo mande*” ηuko komo suki Anutuko *Sainai* purímo *Moses* inoní Israel unipare yunaró. Mande ηuko Juda uniparetoro yoto-yotoye soso sopoyaró.

¹⁵Unipare soso noya yotenjo qundo yunguna keretenjo. Keto injodontu unipare noreya topo teyotenjo ŋu yunguna yere qembe. Anutu koro samaka-samaka tuwó^o yeno soso yoní.

^o 3:15 “*samaka-samaka tuwó* ” ŋuko Anutu enenjombo nore samaka yereyote. Kimoyó moré kini.